

A produção deste livro tornou-se possível graças ao apoio do povo Americano através da Agência dos Estados Unidos para o Desenvolvimento Internacional (USAID). O conteúdo desta publicação é da total responsabilidade do Ministério da Educação e Desenvolvimento Humano da República de Moçambique.

FICHA TÉCNICA

Título:

Weeca ni murecele

Língua:

Elomwe

Coordenação Editorial - MINEDH:

Telésfero de Jesus

Vamos Ler!:

Samima Patel, Abdala Machude, Amélia Bazima,
Dilson Buque e Francisco Sampaio

Autores:

Arigo Saraiva, Waldemar António, Assane Consolo, Moisés António e Laura viegas

Assessoria Linguística e metodológica:

Carlos Manuel

Ilustração:

Moises Utuji

Maquetização:

Jorge Neves

Capa:

Jorge Neves e Moises Utuji

Impressão:

Nova Delhi, Índia

Tiragem:

1839

N.º do registo:

10048/RLINICC/2019

Financiado pela USAID

República de Moçambique



REPÚBLICA DE MOÇAMBIQUE
MINISTÉRIO DA EDUCAÇÃO E
DESENVOLVIMENTO HUMANO



USAID
DO POVO AMERICANO



Olelo nihiku na murunku.

Napitu ni asipaapa awe anaya weeca opooma.

Opooma onakhalawo Napitu, sootepa waacawo mikukuca.

Sookhalawo ikaaro, micinka ni kampooyiyo oorakama.

Mahiku makina niinnakaya nceeka vanceekeni.

Mootutuxa, ennavira ekaaro etokotoko ni yoorakama.

Napitu: Paapa, nkamooneeni kampooyiyo ole onavira vale!

Paapa: Mwana aka, kahi kampooyiyo, ekaaro yoorakama.

- Kampooyiyo onavira mucanceneni.



Mikukuca ichu soophwanelela mwiilaponi mwahu.

Nto, ti sawoopiha tho.

Neecaka muramphani, neeceke muxerexere wi nihiphitiwe.

Nihaakunve omulapuwa rampha.


Onnaphwanela oweha moonoo woolopwana ni woothiyana.

Nii siiso Saahirwakawo mikukuca wi nihiphitiwe.

Apaapa awe Napitu annamulela wi:

- Aheeceke mwaapure mwaapure muramphani muramphani.

Ikaaro ikina ineeca ni waakuva.



Emulapun'weene rampha, Napitu aahaakoha apaapa awe:

- Mulopwana ole owanre efaarata ti ani?

Apaapa: ole mpiliisa onakosoopa ikaaro muramphani. Muteko awe waakosoopa ni waakhaviherya anamweeca.

Amaama: Neecaka ncicimiheke ineneero sa muramphani.

Napitu aanaaleela asinthamwe awe mwaha wa wiikosoopa.

Asinthamwe awe annasiveliwa ni masu awe.



Amaama a Napitu: ola kampooyiyo waakhwelawe omoona.

Kampooyiyo onavira mucancini.

Ikaaro inavira muramphani.

Hii!.. kampooyiyo ootepa orakama. Otikhina Napitu.

Apaaa: Haa! onnamakelela ikaruwaxe sawaaca.

Kampooyiyo onnakuxa ikaruwaxe sawaaca:

Sa achu ni sa merikatoriya

Paapa, nkitonko on'wela kampooyiyo.

Paapa: Mufeeriyani onahaala on'wela oyaka owoona ataata awo.



Ekookaka owaani, emusi ya Napitu yaakumana ni ataata.

NapituAtaata awe Napitu aakhalano ekaaro yooxeerya ni yooreera.

Piipiiim.....piiii emwiipa pusina ataata a Napitu.


Yaavaha eneneero emusi wi ewele mukaaroni.

Napitu, apaapa ni amaama aawela mukaaroni ya ataata.

Napitu ootepa ohakalala, omusivela weeca ni ekaaro.

Napitu ohaaveka ataata wi anamukuxa eyaaka weeca.

Asipaapa awe aheemeryerya tho.



Nihiku na naawiili, Napitu, Kiki ni Naana yaaya osikholani.

Eyaaka mutila, ahoona ikaaro, mitututhu ni icika sawaaca.

Napitu: asintamwene, niheeceke varyari va rampha!
Osilo kivinre mumu ni ataata ekileela makhalelo a weeca.

Kiki: Haa! Evelevelo.

Napitu: Nimukhaviheryeke mukhwa ahu oxova ekaaro awe.

Kiki: Nixoveke mukhwipe wa rampha wi ahiphitiwe.

Yaana: kinnoothamalaani asinthamwe aka.



Kiki, Naana ni Napitu anamulapuwa rampha.
Ehilapum'we, annawe moonoo woolopwana ni
woothiyana.
Ale, anaweha wi yiikosoopo wa mikukuca inavira.
Anamweeciha a mikukuca, anniiwelela ineneero.
Nave, annaacicimiha anamweeca muramphani.
Kiki, Naana ni Napitu aaya ni ekookawo osikholani
phaama.
Owaani anapaka miteko sa osikholani.
Hiiha, asipaapa aya annahakalala mahiku ootheene.



Ecika ya apaapa awe kiki yootepa oreera.
Anawela eyaaka omaca wi yamuteexe nakhuwo ni
cipampa.
Mahiku makina, annamutexa Kiki ayaaka osikholani.
Kiki onachuna ohuserya weeciha ecika.
Napitu apaapa awe aakhalano tho ecika.
Nto Yaana apaapa awe arino mutututhu.
Anawela eyaaka omutekoni.
Ekookaka, yamphwanya Yaana epakaka miteko sa
osikhola.



Eriki mweeca ni mucinka, Kiki ni apaapa awe yaaya onceekeni wi yoone nceeke.

Apaapa: Kiki, nkoona nceeke nne!

Kiki: ahaa! Nootepa oreera.

Apaapa: Onnoova? Emukoha apaapa awe Kiki.

Kiki: Nootepa wiinnuwa ni waakuva weeca.

Kiki: Paapa, nceeke maaceya?

Apaapa: hooye! Kiki, nceeke nnavira musulu.

Kiki: kinoothamalaani paapa, nkaasuwela!

